

BONERIANO®

Bo ta semper
sufisientemente
fuerte pa superá
un situashon.

EDITOR:
Bonaire Communication Services N.V.

Djaluna 13 febrüari 2023

| Preis: \$1.00

CHUBATU TA ATAKÁ

Parada di Karnaval di mucha



HAIR
BARBERSHOP

Hanchi lenks
pabou di
Gas Ekspress

Habrí 5 dial!
Tel: +599
788-2228 /
+5999 529-
2228

f hair cut
www.hairbarbershop.com

CHANGAN AUTO

HUNTER

f /dabboussimotors

xerox™

OBERSI
ELECTRONICS
BONAIRE

MANTENE BO
VEHIKULO OF
EKIPO DEN
KONDISHON
KU PIESANAN
KUMPRÁ NA NAPA

NAPA

\$10 FREE SLOT PLAY

Sign up for your FREE Player's Card
and receive \$10 in FREE Slot Play!

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

DIVI FLAMINGO CASINO

Kandidato mas yòn riba lista

Eder Curiel yen di energia pa elekshon

KRALENDIJK -- Eder Curiel tin apénas 18 aña di edat i ta riba lista di MPB. “Kontesta riba ken ami ta, ta un poko difísil pa bisa, komo ku ainda mi ta den desaroyo. Kier men ainda mi ta en buska di kiko òf e elementonan klave ku ta kaba di forma

Eder den su totalidat’, segun e kandidato aki riba

lista di MPB.

Un kos Eder ta bisa: “Si mi por bisa ku mi ta fearless, energetic, artistic, extroverted & adventurous.”

Eder Curiel tin un storia interesante di kon el a resultá den polítika i spesífikamente riba lista di MPB pa e elekshon aki. No a pidié pa subi lista. Ta e mes a aserká lider polítiko di

MPB, Elvis Tjin Asjoe, pa bisa ku e ke subi lista di e partido blou.

Eder: “Algun aña pasá Elvis Tjin Asjoe a bini tene un charla pa alumnonan di Liseo, e skol na unda mi ta bishitá. Fo’i kuater aña pasá mi a bisa Elvis ku mi ke subi lista di MPB, pero e tempu ei mi no por a vota ainda. Awor sí mi tin 18 aña i mi ta bai pa mi soño.”

Di akuerdo ku Eder Curiel, e ta komprondé totalmente ku un hende lo puntra pakiko mester vota p’e? Su kontesta ta: “Ami ta para pa huntu nos krea fasilidat pa hóbennan di Boneiru, manera desaroyo personal i sosial, diversidat den deporte, dibertishon sano, mas opshon di estudio p’esei kana ku mi pa un futuro di kalidat i garantisá pa hóbennan di Boneiru. Mi no por logra esaki mi so. P’esei mi mester di abo. Mi ta kandidato nr 18 riba lista di MPB.”



Outo ta drenta mondi

KRALENDIJK -- Tabata alrededor di algun minüt pasá di 7’or di anochi ku sentral di polis a keda notifiká di un aksidenté ku a tuma lugá riba Kaminda di Rincon na altura di Fontein. Na yegada di patruya na e sitio a bin topa ku outo di e marka Vits ku tabata den pida mondi kantu

di kaminda. Pa loke ta e hòmer shofùr di e vehíkulo, el a logra sali for di su vehíkulo i e no tabata heridá. Na e sitio e hòmer shofùr a splika ku e mester a pega soño tras di stür i esaki pa motibu di kansansio. Personal di CRS a keda enkargá pa atendé ku e aksidente aki. (Teksto - Foto Live 99)



Outo ta alkansá skuter



Djasabra anochi sentral di polis a keda notifiká di un aksidente entre un skuter i un minivèn. Aparentemente falta di preferensia tabata kousa di e aksidenté aki. No tabata tin herido. Polis i CRS a presentá na e sitio pa atendé ku e aksidente. (Teksto - Foto Live 99)

Mario’s Holding B.V.

ta buska pa Restaurant

**1 Stationrotisseur -1 Stationchef -
1 Assistent Manager -2 Bartenders -
1 Kok Entremetier-Saucier - 3 Waiters -
1 Dishwasher and cleaning**

-Mester tin 2 aña di eksperensia

Por manda CV na:

**macaroca.madeirarestaurant@gmail.com
òf por yama 717-4688 entre 11:30 pa 3:00 atardi**

Shofùr ta pèrdè kontròl

KRALENDIJK -- Sentral di polis a keda notifiká di un aksidente ku a tuma lugá den Kaya Colorado, ku ta un kaya ku ta koneká riba Kaya Amsterdam.

Na yegada di patruya na e sitio, polisnan a bin topa ku un hòmer heridá i un pikòp ku pa motibunan deskonosí a bai resultá den un buraku riba un tereno.

Mesora a pidi presensia di ambulans na e sitio. Paramedikonan a duna e víktima promé asistensia pa despues transportá e hòmer aki pa hospital pa tratamentu médiko avansá. Personal di CRS a keda enkargá ku investigashon. (Teksto - Foto Live 99)



CHUBATU TA ATAKÁ

KRALENDIJK – No solamente kachó ta ataká hende. BONERIANO ta disponé di imágennan interesante ku ta mostra kon un chubatu di kabritu a ataká i asta tumba un hòmer algun dia pasá den bario Nort

di Saliña. Afortunamente e chubatu no a heridá e hòmer, en todo kaso te asina leu ku BONERIANO por komprondé.

Ta konosí ku den i banda di Nort di Saliña tin alrededor di kuater krio di kabritu

ta kana lòs. Tin di nan ta bai te den e bario Republik mes pa bula kurá subitereno di hende pa kome nan matanan. Ta un problema ku tur hende sa di dje, pero ku no ta atendé, no ta tuma medida.

Algun dia pasá un reporter atento di BONERIANO a dal riba un situashon hopi pekuliar den Nort di Saliña, esta kaminda un chubatu di kabritu ku kurpa basta korpulento i komportashon hopi agresivo, a kuminsá ataká un hòmer, ku a haña su mes ta saka tur su abilidadan di kombat fisiko fo'i baul pa defendé



su mes i realisá kontra-atake.

E chubatu na sierto momentu a efektuá un atake fuerte i sorprendente riba e hòmer, loke a pone ku

el a kai. No ta konosí ku den e kaida e hòmer lo a heridá su mes. A dura algun ratu pa e chubatu a disidí di suspendé su atakenan riba e hòmer.



Shete aña di prizòn pa kap muhé

KRALENDIJK- Hues mr. Carmelia no a aseptá e defensa di e hòmer Cornelius I. (34) nasé na Sint Maarten. Ministerio Públiko (OM) a akus'é di intento di asesinato. Tambe ta akus'é di a insultá un agente di polis.

E hòmer aki básicamente a bisa ku el a haña un blèkout i durante esaki el a usa un hacha i kap su eks-pareha. Esaki a risibí heridanan grave na vários parti di su kurpa.

Apesar di e deklarashon di blèkout, Korte a kondena Corenelius I. na un kastigu di prizòn di 7 aña.

Korte a atend'é kaso aki riba 18 di yanüari i awor a tuma un desishon.

Segun e dosié penal riba 3 di sèptèmber 2022

e akusado a kibra i drenta den kas di su eks pareha. Aki a surgi un diskushon entre nan i e akusado a kue un hacha i a hinka e víktima na vários parti di su kurpa. Deklarashon di dòkter ta deskribí ku e víktima a risibí hinká na su kabes, garganta, skouder i a kita pida di su dùim.

Mester remarká ku e akusado rotundamente a ninga e akusashon di a insultá polis.

E abogado defensor a splika ku e víktima no ta masha inosente den e situashon. Su kliente i e víktima pa 5 aña tin un relashon basta topiko. Kada bia nan ta kibra i drecha ku otro. Tambe el a trese dilanti un otro insidente den kua e víktima a gaña riba e

akusado. “No ta trata di un muhé tímido ku bo por dal un klap. E ta grandi i diki. Ta un echo ku algu a sosedé pero kos no a kana manera e ta bisa”, e abogado a am-

plia.

Fiskal a insistí ku e sospechoso ta un hòmer ku tin problema ku alkohòl i no a kere e deklarashon di blèkout. OM a demanda un

kastigu di prizòn di 8 aña.

Hues a baha 1 aña for di e demanda.

Sí a apsolvé I. di e akusashon di a insultá polis.

Jona Chirino awe den Aktualidat

Bonaire.tv ku atenshon pa elekshon

KRALENDIJK – Bonaire.tv, e kanal realmente boneriano, ku 24 ora di programashon lokal, ta bai dediká hopi atenshon na e periodo di elekshon di Konseho Insular aktual. Ta bai trata na tene entrevista ku mas kandidato riba lista posibel.

Awe djaluna por mira Jona Chirino-Felida komo e promé polítiko ku ta aparesé den seri aki.

Jona no ta un desko-

nosí den e paisahe polítiko boneriano. Den pasado el a yega di aparesé riba lista di entre otro PABOSO. E tabata diputado tambe den pasado.

Den e elekshon aki Jona ta nr. 2 riba lista di UPB, loke ta hasié un kandidato ku chèns real pa drenta Konseho Insular. Nathaly Evertsz di BONERIANO ta enkargá ku e entrevista aki, ku ta kuminsá pa 12'or awe mèrdia na Bonaire.



tv, ku diferente ripitishon e siman aki, na diferente orario.

Presentadónan di e seri di programa aki ta Nathaly Evertsz i Bòi Antoin.


Aktivitatnan kurikular adishonal na SGB!

KRALENDIJK -- Entrante e aña eskolar aki SGB, den kolaborashon ku partnernan lokal i sektor empresarial, ta ofresé aktivitatnan kurikular adishonal na e unidatnan VMBO, Liseo, Speciale Lesplaatsen (SLP) i MBO. Pensa riba aktivitat deportivo, aktivitat artístiko manera drama, baile i ekspreshon, aktivitat empresarial i proyektonan ku ta toka un tema sosial. E diferente aktivitatnan aki ta keda realisá pa medio di e Programa Nashonal di Enseñansa.

E Programa Nashonal di Enseñansa ta hasi posibel pa e añanan ku ta bini,

skolnan atendé retrasonan relashoná ku covid. No ta trata solamente di retraso riba tereno di desaroyo kognitivo, pero tambe di desaroyo sosial emoshonal i bienestar di e alumno i studiantenan.

SGB ta haña importante pa no solamente tin bista pa kualifikashon, pero hustamente tambe pa inisiativanan ku ta kontribuí na promové kompetensianan sosial di su alumnonan. Pues, no èkstra beilès so, sino tambe traha espasio pa aktivitatnan ku ta engrandesé konfiansa propio i kapasidat pa yuda kurpa di e alumnonan.



Kambio kontinuo di dosente un problema

Mazarella Jansen di MPB:

KRALENDIJK -- Kambio di dosentenan kontinuo den nos sektor di enseñansa den skol básiko i skol sekundario ta un problema segun Mazarella Jansen, kandidato riba lista di MPB. Kada dos pa tres aña Boneiru ta haña dosentenan nobo. E muchanan tin ku bolbe bai kustumbrá ku e forma diferente di duna lès.

Mazarella Jansen: “Mi mes ta unu ku bini di Kòrsou, otro mentalidat di kultura, i e barera di komunikashon. Otronan ta bisa netamente esaki ta importante, pasó despues e estudiante mester sigui studia den idioma hulandes na Hulanda. Pues ta ideal p’e haña instrukshon den idioma hulandes ya e ta kustumbrá ku esaki.”

“Nos skolnan ta mará na e sistema di enseñansa hulandes. I hulanda tin e kartera di enseñansa. E diputado no tin mashá di bisa den struktura di enseñansa. E por manehá solamente loke nan ta enserá e edifisyonan di skol. Mayoria desishon ta bini di Hulanda.”

Mazarella ta puntra: “Mi pregunta ta: Kiko ta boso idea òf sugerensia pa yuda e situashon aki. Sin pèrdè supsidio di Hulanda. Sin pèrdè nos dosentenan



di Hulanda (nos ta karesé di dosentenan antiano) sin perhudiká nos muchanan ku ta chambuká i kai afó dje nivel mas haltu pa falta di dominio di hulandes. Kon huntu nos a drecha esaki. I kiko tur segun abo mester

sosodé?”

Jansen ta buskando opinion di mas hende. Lo e kompilá nan i trese esakinan den un rapòrt serka su partido. Komo punto di atenshon pa e siguiente 4 aña di gobernashon.

13 di Febrüari 2023

“Pakiko bo kara ta será asina?”
(cf Gen 4,6a)

Dios ta nota malkontentu den akтитut di Kain, e yu mayó di Adam i Eva (cf Gen 4,1-2), pasobra Dios “no a pone atenshon na su ofrenda.” (cf Gen 4,3-5) Awor Kain ta yalurs riba Abel, pasobra “Abel a ofresé Señor e mihó parti di su kriadero, e tabata mas generoso.” (Gen 4,4) Kain den su libertat a duna algu inferior na Señor.

“Si bo hasi bon, bo kara por ta kontentu...” (cf Gen 4,6b) Hesus ta e prueba di bondat mas grandi ku hende por eksperiensia; “El a entregá su bida pa nos ...!” Awe, nos a bolbe habri nos wowo, komo un regalú dibino pa apresia bida, ... pa apresia nos mes. Akaso nos tin motibu pa kana ku kara será? (cf Gen 4,6a)

Señor, habri mi bista spiritual, pa mi siña apresia i gradisi Bo pa bo manifestashon den mi bida.

1L Gen 4,1-15.25; Salmo 50,1.8.16-17.20-21; Ev Marko 8,11-13



005999-522-4056



Un Snechil Pan



unsnechilpan

Sealy ta urgi Kolegio Elektoral

Duna bon informashon tokante ‘volmacht’

KRALENDIJK -- Aki dos siman kampaña polítiko ta bai bira mas intenso. Ta bini mas informashon tokante elekshon pa Konseho Insular i Kolegio Elektoral. E parti prinsipal ta ku ta un biaha so bo por drenta urna elektoral i bo mester tin bo karchi pa vota i dokumentu pa identifiká bo mes. Un otro posibilidat ta, ku bo por vota na kua urna

ku bo ke. Esaki ta bon, pa motibu ku no por bisa kua bario ta wesu di lomba di un partido.

Sealy ta urgi tantu Konseho Supremo Elektoral komo partidonan polítiko pa splika votamentu ku ‘volmacht’, pa kuantu hende un persona por vota tantu pa Konseho Insular komo pa Kolegio Elektoral.

Sealy: “Pa e voto ta bá-

lido bo mester yena un rònchi ku e pòtlot kòrá den e hòki dilanti nòmber di e kandidato ku bo a skohe. Kòrda bon un rònchi so. Bo por keda sin yena rònchi, loke yama vota blanku.

Si bo yena mas ku un rònchi òf skirbi algu riba e papel bo voto no ta bálido. Si bo tin ‘volmacht’ pa vota pa un òf mas persona bo mester vota pa bo

i e personanan. No por bai kas i bolbe bin vota ku ‘volmacht’ na un otro urna kere ku bo ta sabí.

Sealy ta sigui splika ku tin dos buzón, unu pa votonan pa Konseho Insular i otro pa Kolegio Elektoral “No tene bèrgwensa sigui instrukshon di e personanan responsabel den e urna. Pa evitá ku despues di ora di trabou tin reinan largu na

e urnanan mi ke proponé e siguiente..

Na 2019 tabatin un urna mobil pues lo ta bon pa e aña aki sigui ku e idea aki i posibel kuminsá sink’or di mainta na por ehèmpel Plasa Francisco Goeloe.

Segun lei por kuminsá ku un urna mobil mas tempran ku e ora stipulá pero ta sera nuebe or djanochi.”

Muchanan a disfrutá di 'GIN Shopping Experience'

KRALENDIJK -- Global Issues Network (GIN) na International School of Curacao (ISC) ta parti di un ret grandi di studiantenan rònt mundu ku tin mes metanan; pa yuda komunidad lokal. Tur aña di nobo, nos studiantenan di ISC GIN ta organisá diferente tipo di aktividat ku ta brinda servisio i ayudo. Esaki ta inklui entre otro mantené ISC su Campus liber di uzo di plèstik den tur forma, organisá dia pa muchanan di ménos rekursu pa haña un eksperensia dor di bin "shop" na ISC, bishitá kasnan di grandi, rekoudá kuminda pa bestia, buska mobilario pa diferente skol i hopi mas.

Djasabra último, 11 di febrüari 2023 studiantenan di GIN a tene nan di 9 edishon di e Clothing Day/ Clothing Drive na International School of Curaçao ku e meta pa muchanan di ménos rekursu, for di diferente kas nan kaminda muchanan ta residensia, tin e eksperensia di "shop".

E evento akí ta konosí komo 'GIN Shopping Experience' òf mas bien Clothing Day.

A transformá e gymzaal na ISC den un pakus grandi kaminda alrededor di 500 mucha, for di diferente fundashon, a haña e invitashon pa pasa un dia spesial pa nan "shop" i haña e eksperensha akí.

E aña akí tambe, esaki tabata un éksito kompleto. E muchanan a disfrutá di e ambiente, buskando paña, ko'i hunga i algun otro asesorio di nan mes eskoho.

Nos studiantenan di GIN a trese un brio di goso den bida di e muchanan akí. Preparashonnan a start algun siman pasá kaminda e miembronan mes a kolekta e pañanan, surti nan na sais, set-up i transformá e gym pa hasi e eksperensia, unu plasentero pa e muchanan ku a bin "shop".

Studiantenan di GIN – nos orguyoso di lokual bosnan a hasi i mas ku klaro lo sigui hasi.

Nos kier a yama danki



na e komunidad di International School of Curaçao, ademas di algun kompania lokal ku a kontribuí na e kousa akí. Nos a kier a eks-tendé nos gratitut i gradisimentu na Changing Habits Foundation, en especial sra. Vicky Trinidad, pa a yuda nos ku e organisashon i ku ta sostené nos en grande ku e organisashon i kordinashon di e evento akí. E evenementu akí ta un non-profit event, kual nos ta hasi ku e propósito pa yuda esnan den nesesidat i duna bèk na nos komunidad.

Caribbean J.A. Building & Co. N.V.

ta buska

- 4 metselaar

-mester tin eksperensia

Inf. tel. nr **777-9488 / 777-6939**

JSC Construction B.V.

ta buska

metselaar - timmerman i tegelzetter

Mas inf. tel. nr **782-7213**

Programanan di Bonaire.tv

TELBO kanal 70

Flamingo TV kanal 23

Djaluna 13 febrüari 2023

12.00 Aktualidat:

Jona Chirino

13.00 Aki Boneiru:

Son Boneriano na Zòzò Ranch 2018

14.00 Herensia:

Dufi Martijn

15.00 BAPA:

Emma Sint Jago

16.00 Herensia:

Irene Imelda Arion-Vlijtig

17.00 Aki Korsou:

Katedral di sumpinja

18.00 Herensia:

Pader Lampe

19.30 Puerto Latino:

Luis Zárraga

20.00 Herensia:

Rinald Daniel

21.00 Aki Boneiru:

Norbet Tademan

22.00 Herensia:

Eduardo Dominico Esteban (Eddy) Rijna

23.00 BAPA:

Raphael Benito Rodriquez

Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.



REFLEKSHON DI SIMAN STIMASHON TA AKSHON

"Yu chikitunan, no laga nos stima ku palabra ni ku lenga, ma ku echo i bèdat." 1 Juan 3:18(BS)

Bo ta gusta yuda? Bo ta gusta sirbi otro, òf bo ta gusta mas pa nan sirbi bo? Bo ta yuda otro sperando algu bèk, òf bo ta yuda pasobra den bo kurason tin amor i ta esei ta motivá bo? Bo ta enfoká solamente riba amor propio òf bo kurason ta yen di e amor di Dios, te ku esei ta basha ofer?

Romanonan 5:5b ta bisa: "pasobra e amor di Dios a wòrdu dramá den nos kurason dor di Spiritu Santu, Kende a wòrdu duná na nos."

E versíkulo akí ta bisa nos ku e amor di Dios ta bashá den nos kurason. Esei no ta sosodé di mes, esei ta bini dor di e Spiritu Santu ku Dios ta duna nos na momento ku nos aseptá Kristu komo nos Salvador.

Pues e pasonan pa ta yen di e amor di Dios ta esaki:

- Kere den Hesus i aseptá Kristu komo bo Salvador.
- Bo ta bira yu di Dios.
- Spiritu Santu di Dios ta bin biba den bo.
- E Spiritu Santu ta drama e amor di Dios den bo kurason.

P'esei ta importante pa bo konosé e amor di Dios, pasobra ta e amor di Dios ta yena nos abundantemente te basha ofer.

Bo tabata sa ku nos aktonan ta revelá loke tin den nos kurason? Stimashon ta mustrá dor di nos akshonnan. Kiko tin den bo kurason awe? Amor propio òf e amor di Dios?

Laga nos stima no ku palabra, pero ku echo i bèdat.

Miralda Paula-Frans

produkshon PGM

Boneiru ta selebrá 15 aña di Atlanta

– Boneiru ku Delta Air Line

KRALENDIJK – Riba djasabra 11 di febrüari 2023 Tourism Corporation Bonaire (TCB) a selebrá yegada di Delta Air Lines ku un saludo di awa den kuadro di e 15 aña ku e kompania aéreo ta bula for di Atlanta pa Boneiru. E logro importante akí a duna un aporte importante na Boneiru su turismo. TCB ta rekonosé importansia di Delta Air Lines komo partner instrumental pa e industria akí.

TCB a yama tur e bishitantenan ku a yega bon biní ku un ‘goodiebag’ boneriano komo muestra di apre-

sio ku a keda duná dor di nos Miss Tourism Bonaire, Caroline Porras.

Nan a transformá sala di yegada di Flamingo International Airport i hasié un fiesta kultural ku músika di Kah’i Òrgel i nos Embahadornan di Boneiru bistí den trahe tradishonal folklórico, pa deleitá i gradisí tur bishitante ku a yega.

TCB a organisá tambe un seremonia bou di e título #itsinournature pa e tim di Bonaire Air Handling Services i Delta Air Lines den Tecno Bar pa gradisí nan pa nan dedikashon durante tur

e añanan akí.

“Nos ta orguyoso ku e logro akí i ku e kolaborashon ku Delta Air Lines.

TCB ta aploudí sosten di e stakeholdernan den sektor públiko-privá durante e 15 añanan tras di lomba i nos

ta spera un dékada mas di kolaborashon ku Delta Air Lines’, segun Miles B M Mercera, direktor di TCB.



Glenda a selebrá fecha natal na òrdu



Glenda Bernabela, a selebrá su fecha natal (70), manera ta bisa, na òrdu. Huntu ku konosí, famia, rumannan for di eksterior, a pèrkurá pa un fiesta tur afó. No 1, sino 2 agrupashon musikal, a pèrkurá pa músika pa tur género por a los e pianan. Músika a triger hendenan ku tin hopi aña sin subi flur di baile, pa subi balia. Riba potrèt Glenda i rumannan durante e fiesta.



Beyond the Corals is looking for Experienced PADI Dive Instructors and PADI Dive Masters

We are a fast growing PADI 5 Star Dive center on Bonaire.

Professionalism, good service and friendliness are the core of our business

We offer a nice work environment, with lots of variety, good pay and great weather.

Are you interested?

Please submit your application to
info@beyondthecorals.com

EXECUTIEVERKOOP

Op vrijdag 17 FEBRUARI 2023, om 10:00 uur, vindt een openbare verkoop plaats.

De verkoop is ten laste van: Your Solution Holding B.V.

Te koop wordt aangeboden: **KIA RIO 2015/KIA CERATO 2012 /TOYOTA HILUX 2014/NISSAN FRONTIER 2017/TOYOTA HILUX 2016/TOYOTA HILUX 2015**

De zaken zijn 30 minuten vóór de verkoop voor een ieder te bezichtigen.

Betaling á contant, zonder opgeld en bankoverschrijving.

De verkoop, in opdracht van de ontvanger van de Belastingdienst Caribisch Nederland vindt plaats op het adres: **KAYA NIKIBOKO ZUID 97**

Belastingdeurwaarder belast met de executie
Sedney Sint Jago

POLÍTICA I POLITIKERIA

Seis partido ta den kontienda elektoral. E krachinan, e patrochinan, e alianchinan, daisinchinan, e blouchinan. Pa no lubidá e revolushonarionan, ku atrobe a bula riba e barku. Daisy a bini aserka, miéntras ku FSP di Robby Beukenboom i Lista Soliana a keda afó.

Famia Domacassé ta bon representá den e elekshon benidero. Te asina leu ku nos por a konta, riba lista di MPB tin tres kandidato ku fam Domacassé. Na di dos lugá tin Renata Domacassé, mas aleu Din Domacassé i un mucha muhé, tambe Domacassé, famia di tantu Din komo Renata. Din ta primu di Renata. Riba lista di UPB tin Angelo (no esun di TCB) Domacassé. Kuater aña pasá e tabata den un werewere ku formashon di lista Era Nobo.

Angelo di UPB ta yu di un primu di Rudy Domacassé, kolaborador di BONERIANO. Rudy ta skirbi tokante su aktu-primu: “UPB tambe tin un Domacassé riba lista. Anto no kualke unu.

E Domacassé aki no ta djis riba un lista pa yena esaki òf pa dekorashon. Ta unu ku kurason pa Boneiru i ku henter aña ta pusha, ta enbolbí i ta traha na bienestar di Boneiru. Éksito na Angelo.”

Famia Domacassé for di prinsipio di política lokal boneriano tabata embolbí. E famia aki tabata originalmente afiliá na Partido Progresista Boneriano Uním (PPBU), partido di Shon Bubu Booi. LD Gerharts tambe, despues di a kibra ku Julio Abraham di Partido UNI, a asosiá ku PPBU. E famia aki, i nos ta referí spesífikamente na desendientenan di Antonio i Dodo Domacassé, a keda leal na PPBU te na momentu ku e partido aki, den kombinashon ku Partido Ob-

rero Boneriano (POB), a gana elekshon di Staten dia 5 di sèptèmber 1969, despues ku e partido ei tabata masoménos 15 aña na poder.

Den e elekshonnan despues di 1969 famia Domacassé tabata mará na Demokrat, un partido bou di kua famia Domacassé a sufri hopi den dékada sesenta. Interessante ta ku na momentu ku despues di hopi lucha PPBU a gana elekshon huntu ku POB (Kombinashon pa Kambio), nan a bira lomba i bira demokrat, algu ku nunca anterior a tuma lugá dje forma aki den historia polítiko di e isla aki.

Den añanan sesenta i setenta por a topa ku e generashon bieu di Domacassé riba lista di Demokrat. Por mensioná aki Carlos Domacassé, Eddy Domacassé i si nos no ta kiboká, tambe Silvio i Hubert (Buchi Ibu). Nos lo bai

chèk i bini ku ‘follow-up’.

Tantu Carlos (Kalitu) komo Eddy Domacassé a bira oradornan prominente riba podio di PPBU. Eddy tabata e hòmer chistoso, maestro di seremonia, bateria na reunionnan públiko di PPBU i despues Demokrat. Kalitu tabata mas serio, asta ‘literario’, durante su presentashonnan riba podio.

Pa hopi tempu nos a kibra kabes ku e pregunta dikon famia Domacassé di Playa Pabou, na momentu ku nan a gana elekshon ku PPBU/POB, ta bandoná PPBU. Despues di hopi aña, masoménos sinku aña pasá, nos ta kere (asta kasi sigur) kua tabata e motibu. Nos no ta haña ta nesesario pa publiká esaki. Bieunan ta bisa ku “no ta tur palabra ta di papia.”

Despues di e ge-

nerashon ei a bini sigur ún Domacassé ku a sobresalí: Arthur Domacassé, álias Tului, kende lamentablemente a fayesé na edat yòn. E tabata promé den filanan di Demokrat. El a drenta na momentu ku Demokrat tabata ainda un partido di Domacassé. Despues nan a bai pokopoko for di e partido aki. Den e elekshon benidero Demokrat no tin niun Domacassé riba lista. Tului su karera polítiko tabata eksitoso i den sierto sentido kolorido. Asina por bisa ku despues e tabata riba lista di UPB, pa finalmente a lanta su mes partido polítiko.

Tin diferente otro Domacassé mas ku den historia di política ku a bai riba lista di un partido polítiko. Por ehèmpel tambe Angelica Bernabela-Domacassé, ruman di e Eddy i Kalitu. Un yu di Ibu, Nando Domacassé, tambe a yega di subi lista di Partido Obrero Boneriano.



Angelo Domacassé (UPB).



Renata Domacassé (MPB). (43)



Din Domacassé (MPB)/ (nr 49)



Zai Domacasse / (nr 55)

E AFÈR DI LD GERHARTS

Outor Rene Roders



19

Na mas ku un okashon kasonan di inmoralidat seksual a aparesé den arena polítiko boneriano. E dos proménan tabata den dékada sinkuenta di siglo pasá. Den promé mitar di dékada sesenta tambe tabatin un kaso asina. Broertje Janga tabata e víktima. Den un seri di artíkulo BONERIANO ta publiká, basá riba un buki ku Rene Roders a skirbi aña pasá.

Erór hudisial

Loke sí mi tin kurashi di konkluí, basá riba resultadonan di mi investigashon, ku e dos deklarasonnan manera stipulá den e dos prosès-verbalnan riba kua e kondena di LD ta basá, meskos ku e tres kehonan rechasá pa hues, tabata optené ilegalmente. Ta hopi probabel ku a haña nan pa medio di intimidashon, posiblemente den kombinashon ku menasa i ku violencia.

E konklushon aki ta trese mi na e opinion ku e kaso kontra LD Gerharts ta un erór hudisial: un kondena basá riba prueba ilegalmente optené. Si e huesnan tam-

be a yega na e konklushon aki, opviamente nan mester a skui e prosès-verbalnan un banda. Ministerio Públiko e ora ei lo a haña su mes ku falta di prueba i LD lo a kana sali for di e edifisio di korte komo hòmber liber.

Hues Roose

Pero e kos no a bai asina. Hues Roose na e momentu ei tabata korto tempu den funshon na Antia Hulandes i posiblemente ainda no sufisiente konosí ku e moral di kuerpo polisial antiano. El a aseptá e prosès-verbal di e funshonari-onan polisial huramentá. Difisilmente e por a hasi



Na opstante tur loke el a pasa'den, LD a sigui aktua komo é San Nikolas ofisial di Boneiru, hasiendo muchanan di e isla aki kontentu den desèmber.

otro, pasobra e testigunan konserní, debí na nan ousensia, no tabata den estado pa kontrarestá nan. I ku esaki e destinu di LD tabata disidí.

E echo ku hues Roose tabata tabata forma parti tambe di e konstelashon

di Hof ku a trata e kaso den apelashon, a hasi e chèns hopi chikitu ku Hof lo por a yega na un desishon hopi otro.

Enfrente e echo ku e huesnan no a deklará e prueba no legítimo, tin kantidat grandi di indikashon koherente ku mi a deskubrí. Den lei penal nan ta yama e sorto di indikashonnan aki 'prueba indirekto': e prueba di un echo òf un seri di echo for di kua por dedusí e echo en kestion.

Trampa

E motibu, e pakiko, tabata presente. Julio Abraham tabata mal fadá di e oposishon di LD Gerharts. E agentenan polisial kier a kamuflá nan manera di traha, e medionan tabat'ei, esta menornan di edat ku tabata dispuesto di deklará. Tambe tabatin e okashon i oportunidat, esta dos polis, di kende un ya kaba a mustra

di tabata dispuesto pa kompilá un prosès-verbal falsu, miéntras e otro tabata kruelmente korupto. Ademas ámbos tabata dispuesto pa usa violencia den nan trabou. Tur esaki ta mustra tabatin tur ingrediente tabata presente.

Basá riba esaki mi a yega na e konklushon ku e akusashonnan na direkshon di LD Gerharts ta basá riba un trampa konstruí pa Julio Abraham mes i/òf su siguidónan, i/òf e dos funshonari-onan polisial, ku e meta pa eliminá i silensia LD.

Tur e indikashonnan deskribí mas ariba den e seri aki ta indiká den e direkshon aki. I ta sostené e konklushon aki. Ademas mi ta kere di a refutá e afirmashon di Van Bennekom, ku e embolbimentu di Abraham den e kaso di Gerharts tabata improbabel.



LD Gerharts su karera polítiko a kaba na momentu ku a deten'é pa e afèr relashoná ku delitonan immoral.

Grandinan Kas di Kuido ta selebrá Karnaval



Deklarashon di Inkomstenbelasting 2022



Caribisch Nederland
Belastingdienst

Ta tempu atrobe pa hasi deklarashon di Inkomstenbelasting. Hasi esaki promé ku **15 di mei** online via Mijncn.nl, esei ta fásil, seif i rápido.

Paga tinu: ta nesesario pa aktivá e 2-factor authenticatie.

Kon pa hasi esaki bo por lesa i wak aki:
papiamentu.mijncn.nl/krea-i-aktiva

Pourier Construction N.v.

ta buska

**- karpinté
- mèsla**

Pa mas informashon yama **+599 770-2957**
òf email: **pourier.constrnv@gmail.com**

Parada di Karnaval di mucha na Playa



Parada di Karnaval di mucha na Rincon



www.islandfinancebonaire.com



**Risibí e sèn ku bo mester pa kubri
bo gastu nan di Karnaval i gosa tur ku tin**


Hasi bo aplikashon "online" awe mes

Kaya Almirante Pedro Luis Brion #7,
Kralendijk 717-5991


*SUHETO NA APROBASHON DI KRÉDITO I VERIFIKASHON DI DOKUMENTO.



Skirbí pa: Rudy Domacassé



Un foto bunita di kuater dama bunita, na un lugá bunita, saká pa un fotógrafo bunita. Nan por a invitá mi.



19 kandidato
Ku a bin biba
na Boneiru
49%

Boneiru ta bendishoná
ku nos ta haña hende rònt mundu
ku ta **skohe pa bin biba**
na nos isla i ku ta **kontribuí na**
progreso di Boneiru.

Nos a hasi
Boneiru
nos kas


Ami ta di
Colombia




Ami ta di
Venezuela




Nos ta di
Korsou




Ami ta di
Uruguay




Nos ta di
Haiti




Nos ta di
Aruba




Ami ta di
St. Domingo




Ami ta di
Peru




Nos ta di
Hulanda



#HUNTU

MPB ta konektá nos
kultura ku mundu,
pa huntu nos representá
e identidat di Boneiru

DEN PASONAN DI BÒI

E rùbrika aki no ta kos di tur dia den BONERIANO. Ta ora mi tin tempu, gana i tóipiko pa skirbi ariba e ta sali. E tres elementonan aki ta hunga un ròl den salimentu di e rùbrika aki. E ta mas tantu un kos pa tene mi okupá, pa no lubidá e arte di skirbimentu. Tene tambe e dedenan fleksibel. Tene e tinu bei, purba pa no kai den riptishon.

Fin di siman mi a kumpli ku Eddy Rijna. Mi amigu, konsehero, ku mi tabata yama na telefòn na su kas ora ku mi tabata ke sa algu di ántes. Manera m'a skirbi siman pasá den e rùbrika aki, mi a pasa den hopi kos ku Eddy. For di segundo mitar di añanan setenta m'a sera amistad ku Eddy. Riba su kaha di morto tabatin un baki ku simia di mai-shi chikí prosedente di su mes kunuku. Esnan ku a akudí den e sala di despedida di 'Nos Consuelo' por a kue algun simia pa pone riba su kurpa. Un manera pekuñar pa tuma despedida di un persona úniko i humorístiko. Konosiendo Eddy, mi ta sigur ku si e lo tabata sa esaki, e lo a bisa ku e pipitanan aki di tapushi lo a bira pòpkòrn na momentu di su kremashon.

Mi ta pensando seriamente pa bini ku un tipo di programa Herensia pa hendenan mas hóben, esta entre 50 pa 70 aña. Manera ta ampliamente konosí, fo'i ku-

minsamentu di e programa 'Herensia di Siglo 20' na aña 2000, mi a opta pa un hende invitá den Herensia mester tin mínimo 70 aña di edat. Mas i mas mi a realisá ku e hendenan entre 50 pa 70 aña tambe tin hopi ko'i konta.

Pa hopi tempu kaba e idea aki tabata brui den mi koko. Asta un nòmber m'a dun'é: 'E Siguiente Generashon'. Òf 'Siguiente Generashon'. Pues sin 'E'. Mi ta bai konsulta ku kompader Rudy pa skohe kua di nan ta mihó título.

Bon mirá, mi a kuminsá ku e programa aki kaba. Djasabra último nos a pone Rishi Silberie den e programa Herensia, siendo ku ainda e no tin 70 aña. Pero ku su 62 aña e tabatin hopi ko'i konta. Dos aña pasá tambe mi a entrevistá Robert Pikerie den 'Aki Boneiru'. Si mi hinka nan den e programa nobo aki, na mi opinion, e lo kuadra mihó. Fin di siman pasá por ehèmpel mi a traha dos

entrevista di un ora ku Unibaldo Graciano Janga (Bòi), eks-polis. Dos programa bunita i interesante. Mi ta hunga ku e idea pa pone nan bou di e programa 'E Siguiente Generashon'.

Mi ta nenga na aseptá ku polítika mester ta manera e ta tumando lugá pa añanan kaba na Boneiru. Pero ken mi ta pa nenga di aseptá esaki? Kisas ta esaki nos pueblo ke! Òf kisas ta kumbiní polítikonan pa laga e pueblo komprondé ku ta asina mester praktiká polítika. Mas bobo tene e pueblo, mas mihó pa nan, pasobra mas nan por keda na poder. Semper mi tabata soña ku un sistema di polítika kaminda partidonan polítiko ta presentá nan programa di akshon, ta motivá esaki den korant, programan di radio i televishon, na lugá di buska refugio den atakenan personal baho kontra nan atversarionan polítiko. Pero mi ta sinti ku e soño aki kisas lo no realisá nunca mas.

I mi ta masha kla i franko den esaki. Tabata parse ku kos lo a drecha na momentu ku Ramonsito Booi a bandoná polítika kuater aña pasá. Pero tabata un 'schijnbeweging'. E t'e bèk. Kisas tin hende ku miedu di bisa e kos manera e ta. Ami no tin miedu di dje i e sa esaki masha bon tambe. E ta un dje polítikonan ku ta sinti su mes bon si e ataká, lastra, humiliá i blasfemiá su opositoran polítiko. Pinta tur otro hende malu i profilá su mes komo e sabio, esun ku nunca por faya. Tur kos malu ta nan, tur kos bo t'e.

Mi sa ku tin hende lo bisa ku, skirbiendo e kosnan aki, lo tilda mi di ta mete ku polítiko. "So be it", manera ta bisa na ingles. Semper realisá sí ku anke bo no mete ku polítika, polítika sí lo mete ku bo un dia. Pues laga mi mete kuné promé ku e mete ku mi.



Despedida di Eddy Rijna na Chachacha Beach.



Kerido lektornan, felis siman!

Prana Massage and More tei awe atrobe ku su kolumna ku informashon balioso pabo.


Den e kolumna di awe, Prana Massage and More ta bai pone enfasis riba muskulonan ku ta trèk sera (na hulandes spierknopen).

Den hopi kaso ora ta duna masashi ta topa ku muskulonan ku a trèk sera i hopi bes e kliente sa. Esaki debí ku e ta agudo. Den kasonan ku e masahista konstatá esaki, ta paso e ta den komienso. Muskulonnan ta trèk sera debí na tenshon konstantemente riba nan. Riba e plachi por mira un ehèmpel.

Kiko por ta e kousa ku e muskulonan ta trèk sera?

- Sinta plat abou ku e pia stret di rèk;
- Kana subi òf baha trapi;
- Kana pa largu tempu riba sapatu ku hilchi haltu.

Pa lòs muskulonan ku a trèk será, ta rekerí 2 masashi pa dia di algun



minüt te ora ku e tenshon no tei mas. Pa evita tenshon den kualke muskulo ta rekomendabel pa move regularmente.



Otro siman ku poder di Dios, Prana Massage and More lo no tin su kolumna pero semper por tuma kontakto ku nos via:

1. 'Like' i 'Follow' Prana Massage and More riba Facebook i Instagram;
2. Email pranamassageandmore@gmail.com òf
3. Telefónikamente na +599-770-0488 (WhatsApp).

MONCHI & TONCHI

Tonchi, kunukeronan ta kansá ku e tèrsio di kachó ei riba lista di M21.

Awèl sí. Mihó el a lanta un dependensia di Partij voor de Dieren na Boneiru.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcedencia
Davienuska Janga
Velli Gijsbertha
Edson Pietersz
Ibi Piar (deporte)

Layout
Davienuska Janga
Maya Beaumont

Konsehero:
Bòi Antoin
786-6818
Aviso
avisobon@gmail.com

Di Seis Djadumingu Siklo A

Promé Lektura : Sirag 15, 15-20
Salmo : Salmo 119, 1-2. 4-5. 17-18. 33-34
Di dos Lektura : 1 Korintionan 2, 6-10
Evangelio : Mateo 5, 17-37

Salmo 19 ta bisa: SEÑOR su preseptonan ta rekto, ta alegrá nos kurason; SEÑOR su mandamentu ta kla, lus pa nos wowo. (19,8).

Kon diferente lo tabata si nos lo a warda e mandamentunan dibino! Pero, lamentabel ta ku nos no ta hasié.

For di prinsipio, segun Beibel ta konta nos, hende a hasi mas kaso na palabranan di-abólíko ku lo a laga nan peka i apartá nan mes di Señor, ku na e mandatonan rekto ku lo a yuda nan na kana riba kamindanan di hustisia, pas i felisidat.

Esaki, dikon?
 Pasobra aparensia ta gaña nos, i nos ta yega na kere ku Dios ta fastidia nos ku su mandatonan i ta stroba nos di disfrutá di e kosnan sabroso ku ta atraé nos ku nan promesa di goso i plaser.

Esaki ta bèrdat. Nos ta sinti



gran atrakshon pa loke ta krea plaser pa nos, sin importá nos ku ta algu únika-mente pasahero ku, a lo largu, ta kousa nos daño.

Laga nos wak un ehèmpel hopi simpel. Tin un tango ku ta bisa ku “huma ta un plaser”. Ounke ku no tur hende ta mir’é, tin hopi persona ku ta bisa di ta risibí un gran dele-

ite ora di huma. Sinembargo, e plaser aki ta hiba nan na destrukshon di nan salú, spesial esun di nan pulmonnan, na ora di abusá di esakinan mandando pa nan un venenu ku poko poko por kousa inkluso nan morto.

Abuso di sèks a trese e teribel fèrmidat ku ta aids, ku ya a kousa tantu morto.

Abuso di kuminda a hiba hopi hende na gordura i ta pone nan kurason na peliger.

I asina nos lo por menshoná hopi otro kos ku ta produsí un plaser engañoso, ya ku maske esun ku ta risibí ta sinti su mes mashá satisfecho, a la largu tin bia e mester paga den forma teribel.

E ehèmpelnan aki ta bisa nos di e sabiduria di Dios ku e promé lektura di awe di e buki di Eklesiástiko ta menshoná: “Señor su sabiduria ta mashá grandi, su forza ta tremendo i E ta mira tur kos. Su bista ta riba esnan ku ta respet’É; tur loke hende hasi E sa. E no a manda ningun hende hasi maldat ni a duna pèrmit pa ningun hende hasi piká.”

Dios ke nos santu, manera E ta bisa nos den e buki di Levítico (11,45). Si nos pone dilanti su mandatonan ta p’asina nos sa kual ta e kaminda di santidat.

Di mesun manera ku nos ta topa ku señal riba kareteranan, pa medio di kua gobièrnan ta indiká na nos e kaminda korekto pa yega na e diferente lugánan na unda nos por bai, asina tambe Señor ta indiká nos, pa medio di e mandamentunan, e kaminda ku ta kondusí nos na salbashon.

E no ta trata di fastidiá nos. Tras di tur piká tin un malu ku por ta fisiko, moral, spiritual, o sikológiko. Tin be nos ta kere di ta imün i nos ta pensa ku, den definitivo, ku e ta duna mas! Asina tin esnan ku ta bisa: “Di algu nos mester muri”. Pero na momentu ku e ora yega nan ta lamentá.

Pero kumplimentu ku e mandamentunan no ta algu ku nos ta hasi pasobra no ta keda nos mas remedi. Dios a duna nos libertat pa hasi piká. Maske ku E mes lo a deseá lo kontrali.

Manera nos ta mira den e sita di Eklesiástiko, “E no a manda ningun hende hasi maldat ni a duna pèrmit pa ningun hende hasi piká”.

Pero si nos ke hasi piká, E no ta intervení, si no t’asina ku nos a buska su forza, su sosten, yudansa di Spiritu Santu i e ora ei E lo bini na nos ousilio.

Hesus no a bini pa abolí e mandamentunan, sino pa hiba nan ainda mas leu den nan kumplimentu.

Nos ta tuma e di sinku mandamentu, ku ta bisa di forma korto: “Lo bo no mata”. Hopi hende lo bisa ku nunca nan a mata ningun hende. Pero e mandamentu aki ta bai mas ayá ku e simpel mata. Esaki Huan ta akclará nos den su promé karta 3,15: “Ken ku odia su ruman ta igual na un asesino”. I esaki ta kompletu di akuerdo ku loke Hesus ta bisa nos den e evangelio: “Mester hiba ken ku kometé asesinato dilanti di korte.” Ma Ami ta bisa boso: Mester hiba tur hende ku rabia ku su ruman dilanti di korte. Es ku yama su ruman kabes duru, mester duna kuenta na Sanhedrin, e korte supremo. Es ku yama su ruman idiot mester paga p’esei den kandela di fièrnu.”

Esaki ta obligá nos pa kam- bía nos aktitutnan ku otro- nan. Pasobra ya nos sa ku “e mesun midí ku bo usa pa midi otro hende, Dios lo usa pa midi bo tambe”.

Imaginá nos mes un mundu kaminda nos tur lo tabata santu. Tur kos lo ta asina diferente! Pero esaki ta manera di ta den shelu i miéntras nos ta riba tera nos lo hiba ku nos e tendensia na piká.

Hesus no a siña nos pa pidi Tata pa E libra nos di tentashonnan, sino pa E no permiti pa nos kai den nan.

I si di bèrdat nos ta pidié, i

Sigui lesa pag. 11

Diesdos bèrdat

Diesdos bèrdat di gran urgensia pero poko presensia awe:

1. No ta eksistí únika-mente erornan, opshonnan i desishonnan: piká ta eksistí i ta na promé lugá guerra kontra Dios.
2. Ku un piká ta na moda no ta disminuí su maldat i en kambio sí ta oumentá su kapasidat di daño.
3. Parti esensial di e Bon Notisia ta e yamada na kombershon; si e yamada kla akí no ta ser duná, nos ta ser konfrontá ku un simulashon di e Evangelio.
4. No por garantisá ku algu ta bon òf malu simplemente pasobra e ta antiguo òf resien.
5. Evangelisashon tin su kumbre den selebrashon kreyente i fruktífero di sakramentonan; sin nan, ta kore riesgo di ta únika-mente bochincha, ideologia òf simpel emoshon di lo humano.
6. Mes sumishon ku bo ta konektá karidat di e sentimentu gososo di stima ta erornan grave.
7. Tin dos deformashon ku un ta engendrú e otro de kontinuo: bida kristian seyá pa amargura i e sinismo post kristian seyá pa aparensia.
8. Penitensia tabata nesesario ayera, e ta nesesario awe, i lo ta nesesario te ora Kristu bolbe.
9. Únika-mente silensio ta habri paso na e Palabra di Dios; tin un proposhonalidat entre e kapasidat pa skucha i e vigor di e Evangelio den un alma.
10. Santidat, en kuantu obra propio di e Evangelio den nos, ta inseparabel di un bida di virtut, inkluso hasta kurashi.
11. E fruta natural i un komunidat outéntiko kristian i katólíko ta abundansia i variedat di vokashonnan ku ta buska santidat pa bon di hinter Iglesia
12. Ta nesesario deskonfiá e predikashon unda ta bisa di kristiandat pero únika-mente ta okupá su mes ku kon e mundu aki lo mehorá... miéntras ta keda ketu tokante grandenan di shelu i di e bienaventuransa eterno.

Fray. Nelson Medina. OP

E berdadero katólíko ta pone su konfiansa den Dios.
 E berdadero katólíko ta konosé na Dios.
 E berdadero katólíko ta di konosé dor di Dios.
 E berdadero katólíko ta alimentá di Evangelio.
 E berdadero katólíko ta alimentá e Sagradonan Skritura.
 E berdadero katólíko ta bubi di Sakramentonan.
 E berdadero katólíko ta resa tur ora.
 E berdadero katólíko ta resa e Rosario.
 E berdadero katólíko ta adorá ta Señor Hesukristu presente berdaderamente den ta Sagrada Eukaristia.
 E berdadero katólíko ta karitativo.
 E berdadero katólíko ta prudente.
 E berdadero katólíko ta e bèrdat.
 E berdadero katólíko ta instruí su hermano ta sea ekiboká òf ta desviá.
 E berdadero katólíko ta lesa katisashi di Iglesia Katólíko kontinuamente.
 E berdadero katólíko ta buska direkshon spiritual.

STATIA/SABA/ST. MAARTEN

Lansamentu programa nobo di basketbòl

ORANJESTAD (EUX)

— E komishon di basketbòl i e federashon di basketbòl hulandes, NBB, ku orguyoso ta anunsiá un wikènt eksitoso i produktivo di 3 pa 5 di febrüari, ku bista riba konstruí un komunidad fuerte di basketbòl na St. Eustatius.

Durante e wikènt a lansa tambe un programa nobo pa basketbòl ku tabata yená ku workshop, klínika i un torneo ku a atraé coach i hungadónan di basketbòl di tur edat i nivel.

Durante e wikènt, NBB i e komishon di basketbòl lokal, a tene diferente reunion

ku partnernan yabi, inkluso coach, rëfri, hungadó, lidernan di komunidad, skolnan primario i sekundario, programanan despues di skol, diputado i deporte i hopi mas.

E diskushonnan a proveé bista di balor i perspektiva kon ta e mihó manera pa

aserká e desaroyo di e deporte riba e isla. E diskushonnan tabata produktivo i a kondusí na e informashon

i plan di akshon ku mester yega na kresementu di basketbòl na St. Eustatius den a añanan ku ta bini.



EXECUTIEVERKOOP

Op dinsdag 14 FEBRUARI 2023, om 10:00 uur, vindt een openbare verkoop plaats.

De verkoop is ten laste van: High Power Heavy Equipment and Rentals B.V.

Te koop wordt aangeboden: **CATAPILLA LOADER / INTERNATIONAL DUMPTRUCK / DUMPTRUCK VOLVO**

De zaken zijn 30 minuten vóór de verkoop voor een ieder te bezichtigen.

Betaling á contant, zonder opgeld en bankoverschrijving.

De verkoop, in opdracht van de ontvanger van de Belastingdienst Caribisch Nederland vindt plaats op het adres: **KAMINDA GURUBU 8 NORT SALINJA**

Belastingdeurwaarder belast met de executie Jaregino Arnaud.

Di dos dia bishita famia Real na St. Maarten

PHILIPSBURG — E pareha Real i e Prensès di Oranje, a bishitá Fort Amsterdam djamars mainta riba e di dos dia na St. Maarten. Aki nan a bai en buska di e pelikan maron, e para nashonal di e isla.

Tambe nan ta haña splikashon di e historia di e fòrti. Despues nan a topa miembronan di parlamento i parlamento hubenil di St. Maarten. Na provishon di bibienda, White and Yellow Cross, e delegashon a bishitá e pasadia di grandi i personanan ku un limitashon.

Seguidamente e famia Real a bai un bolsa di sien-sia kaminda alumnonan di

enseñansa básiko i avansá por presentá nan solushonnan pa e problema di sushi di plèstik riba e isla.

Tra'i mèrdia, Rei Willem-Alexander, Reina Máxima i prensès Amalia, a bishitá Resources for Community Resilience (R4CR). R4CR ta finansiá e proyektonan dirigí riba rekonstrukshon di St. Maarten despues di orkan Irma ku medionan di Banko Mundial.

E delegashon a kòmbersá ku representantenan di gruponan sosial tokante nan proyektonan i ku hóbenan tokante nan trabou den diferente organisashonnan.

Seguidamente e pareha real i prensès Amalia a bishitá un proyekto di traha ku mata kaminda nan ta papia ku e studiantenan tokante e importansia di traha ku mata pa nan salú mental.

Den Parke Emilio Wilson, e studiantenan a papia di nan soño pa futuro di St. Maarten i a planta den presensia di e delegashon sali hel. Sali hel ta e flor nashonal di e isla.

Seguidamente e famia Real a bishitá Oranje St. Peters Hill, kaminda nan ta haña splikashon di konser-

vashon di naturalesa na St. Maarten i nan a sera e atardi ku asistensia na un torneo di beisbòl di hóbenan.

Anochi tabatin un rese-

shon ouspisiá pa Gobernador, kaminda habitantenan di St. Maarten por sera konosí ku e famia Real.



Dos auto lo a los tiro ariba otro na Santa Marta

ORANJESTAD -- Dia-bierna merdia den careda di 12:30 polisnan a bay cu urgencia e t-kruising di Santa Marta pa Papilon. Eynan

varios tiro a wordo scucha. Na yegada polisnan a papia cu habitantenan cu a scucha e tironan, cu aparentemente lo tawata tres. Por a com-

pronde cu lo tawata dos auto cu lo tawata siguiendo otro style di persecucion y lo a tira ariba otro. Na e sitio e departamento tecnico

a presenta pa busca huls si acaso esaki lo a keda atras, pero no a bin haya ningun. Un indicacion cu si nan a tira mes esaki lo a sali di

un revolver y no arma automatico. E vehiculonan lo a sigui otro aparentemente den Papilon, unda cu nan lo a perde nan di bista.



Turista a wordo herida pa e olanan bruto na Eagle Beach


ORANJESTAD -- Dia-bierna den careda di 11'or y 45. Polis y ambulance a wordo pidi na Eagle Beach, pa motibo cu un turista masculino, di edad, a wordo gedal pa olanan bruto na Beachy a wordo herida.

E homber lo a haya un kap na su cabes.

Na yegada enberdad

nan a topa cu un homber di edad herida, e tabata tin varios rasca na cabes y tabata sinti su nek. Personal di ambulance a trate na e sitio y despues a transport'e pa hospital.

E patruya di polis cu tabata na e sitio a baha e casa di e homber na hospital.



Grupo di religioso cu mensahe cla riba moralidad pa gobierno

ORANJESTAD -- Dos dia despues c'un crucero cu 5 mil homosexual biahando riba e ruta di e crucero Atlantis a baha aki na Aruba, un grupo di Iglesianan Cristian di Aruba, a dicidi di bay entrega un carta cu 14.420 firma di ciudadanonan cu ta contra di introduccion di e ley pa loke ta concerni matrimonio di hendenan di mesun sexo.

Un grupo relativamente grandi di hende kendenan ta contra di introduccion di e ley aki, a presenta exigiendo na mes momento pa Gobierno bay cacasacion mescos cu gobierno di Corsou a haci, contra e decision di Corte Superior riba e punto aki aña pasa.

Frank Daal kende tabata

e vocero di e grupo hunto cu algun otro religioso, a dirigi su mes na e grupo cu a bin sostene e accion aki, caminda sr Daal a muestra cu e grupo ta luchando pa salvaguardia moralidad di e pais y pa exigi gobierno pa bay casacion pa evita cu e ley aki lo wordo trata den parlamento di Aruba.

Sr Daal a muestra cu den corto tempo activistanan cu ta sostene e accion di firma contra introduccion di e ley di matrimonio di mesun sexo, a muestra cu na e momento ey, esta ayera tardi, e lista cu el a trece pa entrega gobierno, tabata conta cu 14.420 firma, mustrandocu esaki ta casi 25% di electorado, esta hendenan cu por vota den eleccion pa Parla-

mento.

Prome Minister Evelyn Wever-Croes a dicidi di ricibi un delegacion cu a bin dilanti di oficina di gobierno den un reunion cu no a dura mucho largo pero cu tog a laga e delegacion satisfecho pero sin un acuerdo concreto di loke gobierno lo bay haci of e posicion cu e lo tuma. Despues dal a bin pafo bek cerca e grupo cu tog a sorprende tur hende y a muestra cu e ta calcula cu ya nan a supera e total di 15 mil firma cu ta un grupo considerabel cu ta pidi gobierno pa no introduci e ley di matrimonio di hendenan di mesun sexo.

Tambe Daal a cuestiona e hecho cu na cierto scolnan lo a cuminsa informa

mucha y hobennan riba e tipo di relacionnan di hendenan di mesun sexo, esta e grupo di LGBT cu awor tambe a bira LGBT+ cual tambe ta un asunto cu nan ta condena seriamente. El a muestra cu educacion y formacion di mucha y hobennan, ta un asunto di mayornan cuestionando e hecho cu algun maestro lo a dicidi di sin scol consulta cu mayornan, a dicidi di atende cu e asunto aki como parti di lesnan na scol.

Frank Daal kende ta dirigi Good Samaritan Church a muestra tambe cu e logro di mas di 14 forma a bira posibel ora cu hendenan den comunidad tambe a cuminsa muestra nan oposicion di e materia aki y a sigura cu

e mas di 14 mil firma a ser logra sin cu mester a trece brasa di ningun hende.

Pa loke ta e bishita di e crucero Atlantis cu 5 mil homber bay abordo, tambe a causa impacto den comunidad ya cu tin cosnan vulgar y incorrecto a tuma luna den bista publico, loke no mester a tuma lugay cu ta inaceptabel. Sr Daal a muestra cu hopi hende tabata disgusta cu loke a tuma lugay cu bishita di e crucero, sigur ora cu mira imagenan di un fiesta organisa pa bishitantenan di e crucero, pero na mes momento a enfatisa cu ningun hende of instancia a bin pafo y cuestiona y critica e hecho nan aki.

ARUBA

Comportacion homosexualnan di barco a causa disgusto

ORANJESTAD -- Diaranson 8 di januari Aruba a wordo bishita pa barco turistico cu tabata hospeda 5000 hombernan homosexual. E ultimo biaha cu esaki a yega di sucede ta data un poco mas cu dies aña pasa. Den e ocasion ey e turistanan homosexual aki a disfruta di e producto turistico di Aruba grandemente. Nan a bin pa disfruta sanamente di nos pais y sigur nan presencia a aporta gran[1]demente na nos economia.

Sinembargo, e experiencia cu e 5000 pasaheronan homosexual cu a yega diaranson ultimo tabata completamente contrario cu esun di biaha pasa. Nan comportacion extremo y immoral no solamente a kibra leynan di nos tera, pero nan actitud di libertinahe a demostra na un y tur cu nan no ta respecta niun hende ni nacion.

Den diferente luga nan a falta respet, kibra tur etica moral pa tur esnan presente sin considera cu tabata tin muchanan presente. Nos por a constata esaki atraves di algun videonan cu tabata circula pero tambe di e storianan di algun testigo.

Nikki Beach a wordo converti den un escenario di orgia na unda cu varios testigo a conta den horror, con homosexualnan tabata “finger” otro den pleno publico. Tabata tin un boter di lubricante riba e bar di e beach cu nan tabata uza y tabata tin sex den pleno bista di tur hende.

Mayornan cu tabata hibando nan yiunan pa zwemles na Nikki Beach a wak den horror y a keda cu trauma kico tur tabata pasando. Nan mester a core huy cu nan yiunan for di e luga unda tur e barbaridadnan aki tabata tuma luga. Trahadonan tambe a keda

trauma di tur esaki.

Patio 15 a prepara un evento special pa e pasaheronan homosexual. Esey riba su mes ta mas cu nan derecho. Sinembargo cos a

bay hopi lihe for di man y a capta riba video con algun di e personanan aki tabata tin sex den pleno bista di pueblo, considerando nan tabata pafu den e patio di e

negoshi! Esey ta djis un instante cu a wordo capta.

Ningun momento gerencia a condena esaki ni trata na stop e actonan aki contra nos leynan nacional.

Postbode herida den accidente na Cumana

ORANJESTAD -- Diabierna mainta rond di 11:30 polis y ambulance a bay pariba di e rotonde di Cumana, unda un accidente di trafico a sosode y tin brommer envolvi. Na prome instante a papia cu ta dos brommer a accidenta.

Na yegada di polis nan a topa cu dos scooter di Postkantoor y ariba caminda un postbode herida. Hunto cu ne tawata tin un colega. Na e sitio nos a compronde cu e postbode ariba e scooter pa evita dal contra un a cera brake y esaki probablemente a pone bay cay. Para-

mediconan na yegada bay mesora a bay mira e situacion y despues a sali direccion Hospital. Na e sitio di accidente por a mira personal di Postkantoor cu ta presenta momento cu un di su empleadonan haya nan mes envolvi den accidente.



Auto a core drenta bar

ORANJESTAD -- Diabierna den oranan di marduga, chauffeur tras di stuur di un Ford Explorer, cu tabata basta bou influencia, riba e caminda di Shaba pa Boegoeroei, lo a lubida of no a ripara cu e tabata acercando e rotonde dilanti Fermin's bar, e chauffeur a

sigui straight y a drenta cu su SUV den Fermin's bar, causando basta daño material na e establecimiento.

E auto a bay dal contra un muraya caminda tabata tin 3 botter di gas, pa e motibo aki polis a pidi pa presencia di brandweer pa controla e botternan di gas

pa cualke daño cu nan por a ricibi.

Polis na e sitio a detene e chauffeur masculino cu tabata core auto bou influencia.

Polis a transporta e homber pa warda di polis na Shaba.



Segun sr. Fito Cicilia

Riba 150 mucha a inskribí na e organisashon

KRALENDIJK--E relashonista públiko di e organisashon di beisbòl i sòftbòl resien lantá ku ta The Dreamers, sr. Fito Cicilia, den un entrevista ku nos tabatin kuné siman pasá, a bisa ku e kosnan ta kanando bon ku e organisashon aki, esaki ta bayendo den bon direkshon ku hopi mucha ku a djòin e organisashon.

Nan ta sùmamamente satisfecho kon tur kos ta bayendo te na e momentunan aki.

Ya e promé treinennan di The Dreamers a tuma lugá i nan ta sumamente kontentu i satisfecho ku esaki.

Riba nos pregunta sr. Cicilia a bisa ku aworaki nan tin kasi 150 mucha ku ta afiliá na e organisashon The Dreamers, esaki di muchanan entre 4 pa 20 aña.

Aworaki nan tin 1 tim di U4 beisbòl mucha muhé i

mucha hòmber, nan tin alrededor di 3 tim di U6 pa mucha muhé i mucha hòmber, U8 nan tin 1 tim ku 10, 1 tim ku 12, U14 i U16 tambe nan tin 1 tim ku ta mucha muhé i mucha hòmber.

Na sòftbòl The Dreamers tin 1 tim di mucha muhé di 4 te ku 10 aña, tambe nan tin 1 tim di 11 te ku 20 aña sòftbòl.

Riba nos pregunta pa loke ta e treinennan di e organisashon, sr. Cicilia a bisa ku djaluna siman pasá nan tabatin un anochi di informashon ku mayornan, kaminda ku nan a informá mayornan kiko The Dreamers ta pará p'e, kiko ta nan intenshonnan pa ku e organisashon di beisbòl aki na Boneiru, tambe tabatin oportunidat unda ku mayornan por a hasi nan preguntanan.

Esei tabata bon bshitá i nan ta kontentu ku e akohida di e mayornan.

Djárason siman pasá nan tabatin nan promé treinen ku a tuma lugá na Fèlt Amas.

Esei tabata pa muchanan di 4 te ku U8, mas atardi nan a hasié pa e muchanan mas grandi.

Djaweps tambe tabatin treinan ku e muchanan di sòftbòl, e mucha muhénan tambe a trein.

Den kuminsamentu si, loke nan a fèrwagt, ku e lo a bira un tiki fèrfelu ya ku no tin masha fèlt pa trein.

Nan no a fèrwagt ku nan lo a haña 150 mucha ku lo a djòin The Dreamers.

Aworaki ta bezig ku Indebon, Gobièrnu di Boneiru, ku otro organisashonnan di beisbòl pa wak kon por repartí e uso dje kanchanan

na un manera fèr ku tur organishon ta haña oportunidat di trein na e fèltnan ku tin disponibel.

Sr. Fito Cicilia segun e la bisa, ta spera ku den e tempu ku ta bini, ku lo bai tin mas fasilidat.

Ta spera tambe por ehèmpel ku lo por hasi algu lihé na Little League Ballpark na Amboina i asina krea mas fasilidat pa tur e timnan por trein.

E desaroyo a bai hopi lihé, loke ta buta ku gobièrnu di Boneiru tin ku hasi lo máksimo pa krea mas fasilidat pa praktiká e deportenan di beisbòl i sòftbòl.

Diputado Kroon tambe a mensioná siman pasá ku lo bai drecha e diferente fasilidatnan ku lo por drecha pa krea mas espasio pa timnan por trein.

Fasilidat tin pero diferente di nan tin ku wòrdu drechá.

Momentu ku drecha esakinan, sigur lo bini mas kancha disponibel pa praktiká beisbòl i sòftbòl.

Nos ta spera ku esaki lo ta pronto.

Mastertouch vs The Untouchables djaweps

KRALENDIJK--E ekiponan di biliart bola-8 ku ta Mastertouch di Kaya Nikiboko Sùit i The Untouchable di Antriòl Pariba, ta e ekiponan ku lo sera o sea finalisá e campeonato regular di biliart Bola-8 djaweps awó 16 di febrüari 2023.

E partido aki tambe ta otro partido ku ta primintí di bira otro tremendo partido di e campeonato, esaki ku dos ekipa di kua nan tur dos ke sali ku un viktoría for di nan último partido di e campeonato regular. Esaki lo hasi e partido aki unu bastante interesante djaweps awó mitar di ocho anochi, esaki den sala di biliart di Kompleho Deportivo Jorge Nicolaas na Kaya Amsterdam, ora ku e dos ekiponan aki topa otro pa último bia den e campeonato aki. Un kos ta sigur,

ku e nivel di e último partido aki di e campeonato regular, esaki sigur lo bira otro tremendo partido di e campeonato ku dos ekipa ku tambe lo demostrá nivel haltu di biliart bola-8 ku hungadónan ku lo no baha kabes fásil pa otro.

Ta esaki lo bai hasi e partido aki unu bastante interesante ku dos ekipa buskando e viktoría foi dje partido. Tur dos ekipa ke sali ku un viktoría foi nan último partido di e buèlta regular.

Tur dos ekipa ke sera e campeonato regular ku un viktoría, loke tei hasi e partido aki unu interesante i un tremendo partido.

Abo fanátiko di e ekiponan aki i di biliart, no pèrdè e partido aki.

Éksito na e ekiponan den e partido.

Esun ku hunga mihó lo bai ku e viktoría..

Rico Chet vs Azteca djamars

KRALENDIJK--E campeonato di biliart bola-8 di nos isla organisá pa FeBiBo ku ta e federashon di biliart di nos isla, ta sigui mañan djamars 14 di febrüari 2023 mitar di ocho den sala di bilart di Kompleho Deportivo Jorge Nicolaas na Kaya Amsterdam.

Pa mañan djamars ta enfrentá otro e ekiponan Rico Chet di Playa i Azteca Nort Saliña.

E partido aki ta e penúltimo partido di e kampio-

nato regular promé ku yegana e buèlta final di e campeonato.

E partido entre e ekiponan aki, e partido entre Rico Chet i Azteca, ta primintí di bira sigur otro tremendo partido di e campeonato, esaki ku dos ekipa buskando e viktoría for di nan último partido di e campeonato regular.

Tur dos ekipa ke logra un viktoria for di nan último partido di e campeonato regular.

Esaki ta hasi e partido

aki unu bastante interesante unda ku e ekiponan a prepará nan mes pa duna bon bataya ku biliart na nivel haltu ku e partido aki.

E fanátikada ta keda invitá pa presensia e partido, un partido ku e dos ekiponan lo ta grandi den e partido dunando biliart na nivel haltu ku nan último partido di e campeonato regular.

Éksito na e ekiponan. Esun ku hunga mihó lo gana e partido.

Su hendenan di Chachacha Beach a despedí di Eddy

KRALENDIJK--Eddy Rijna, manera tur hende ta yam'e, kende ta tata di gezaghèber Edison, a pasa na e bich ku tur dia e ta bishitá, pa tira un kabes. E biaha aki Eddy, a presentá na e bich, di un manera totalmente diferente, drumi den un kaha. Eddy, su amigu i amiganan, manera ta kustumber tur dia, nan ta presentá na Chachacha Beach. E biaha aki sin

nan amigu Eddy, papiando su kosnan di loka pa pone hende hari. No solamente hari, pero e ta kla kualke momentu pa dreña un diskushon, pero semper keda manera ruman ku su hendenan. E a stima nan. No solamente nan, Eddy, tabata un hende di tur hende. El a bisa algun tempu pasá: "Dia mi muri, trese mi na e bich aki i tur hende mester ta na zuèmbuk i zuèmpak,

pa despedí. Esei ta difisil pa su hendenan a kumpli kuné, loka nan a menshoná tambe. Manera un dia di fiesta na Chachacha Beach mainta, kos pa kome i poko músika, a pasa e mainta, e mesun ora ku e grupo ta topa na laman. E úniko diferensia tabata, Eddy tabata drumi ketu.

Su stèm, pero sigur e manera ku Eddy, ta ekspresá su mes, chistoso,

niun por yena e puesto aki. Ta su manera úniko pa komuniká ku hende. Tur kos a bai bunita pa su doño. Un

despedida meresidamente, maske kuantu kòrda riba su kosnan prèt, e emoshon ku lágrima tabata inevitabel.



Amor ta den laira

KRALENDIJK --


'Love is in the air', sin duda. Manera ta bisa, palabra no mester ta hopi. Ekspreshon di e hende i wowonan, mayoria biaha ta ekspresá bèrdat. E dama poko serio, pero tras di e brel, ta visibel e bèrdat. Un reportero di BONERIANO a señalá esnan riba potrèt i tabata poko difísil pa nan a skonde kara. Sigur e promé momentunan ta rekerí hopi emoshon, sentimentu amoroso tambe poko verlegenheid, ta dominá. Ta naturalesa di hende ku Dios a krea. E kabayero no ta deskonosí na Boneiru, e dama ya algun temporada residensiá aki. E ta di nos hermana isla bisiña Kòrsou. E dlanan aki tur hende ta sinti hopi friu anochi pa mainta. Ta importante pa bo tin un persona, pa duna bo poko kalor. E kalor ei, solamente e ser humano, por ekspresá esei



na otro. Ta nan mes lo por ta saká wikènt pasá, kantu konta mas di nan. E potrèt di laman, mainta trempan.

Djaluna 13 febrüari 2023

Extra **BONERIANO**



Payroll Pro


HRM

www.payrollprohrm.com



The most complete payroll and HR software in the Caribbean!

Download the mobile app!



tandprothetische praktijk

BONAIRE
tandprothetische praktijk



AKI TA TRAHA I DRECHA PLANCH PA DJIENTE. BO TA WARDA MIENTRAS NAN TA DRECHE, SERVISIO RAPIDO.

djaluna pa djaweps: 9'or mainta pa 12'or merdia, 2'or te 4'or di atardi.

djabieme: 9'or mainta pa 12'or merdia, atardi ta SERA.

E.M. Rijswijk

Por yama pa un sita na tel. 717-2248 òf selular 796-3714 Kaya Dr. J.G. Hernandez s/n (banda di Botica Korona)

Pa info i komunikado den Extra/BONERIANO

**Redakshon: extrabon@gmail.com
Aviso mail: avisobon@gmail.com**




Wireless earbuds

\$85

Folding Chair

\$46



CityShop

Smart shopping ▶ Better living



KARNAVAL



Backpack
Beach Chair

SPECIAL PRICE

\$89



20L Backpack

\$89.95

\$159

JBL Portable Speaker
Bluetooth
Water Resistant

